

SHWBIZ KLIP

BON DIA

Aruba

“Master class” di baile presenta p’e profesional Arubiano Aneudi Cabral



Den siman nos tabatin contacto cu e e instructor y profesor di baile profesional esta Aneudi Cabral cu a duna nos di conoce cu e prome siman di januari Aruba lo cera conoci cu algo unico e impresionante. Aneudi Cabral a sigui splicanos cu esaki ta trata di “1 dia di Dance Master class” organisa p’e mes cu ta un docente di baile y bailarin profesional na Hulanda. Actualmete Aneudi ta na Aruba pa disfruta e dianan di fiesta cu su famia y amistadnan cu ta biba na su dushi isla di Aruba. Pero yega te aki y sin por laga atras un tiki di su experticio ta algo inevitable, pesey el a dicidi di organisa un masterclass di Jazz dance na Colegio Arubanona Playadia 7 januariculoiniciapa 6:30p.m. Manera ta conoci Aneudi ta un hoben hopi activo riba e tereno amplio di baila na Europa, por ehempel Aneudi Cabral ta duna les na Amsterdamse Hoge school voor de Kunsten, el a baila cu e prestigioso Nederlandse Opera y porcierto el a caba di finalisa e serie di Dinner shows. Den su foyeto di trabaonan cu el a yega di haci el a haya e encargo pa ensambla e coreografia y produccion completo di Miss Benuelex 2010 cu tabata un di e proyectonan mas grandi cu el a yega di haya den su man, mas ainda cu esaki ta un proyecto audiovisual y cu ta goza di un sintonia basta grandi na Hulanda. Su plannan pa 2011 ta den luna di februari. E lo ta un di e atraccionnan den un di e convencionnan mas grandi di Europa. Esaki ta Solid Sound Convention unda Aneudi Cabral lo ta preente y pa luna di maart e lo biaha pa Estonia pa sigui cu su trabao den e tereno di baile. Aneudi kier a invita tur ‘dance-freaks’ pa atende e tayer di baile aki p’asina experencia algo diferente e inovativo y cu no por laga’fo



e meta principal cu ta ‘placer di baile’ manera e mes ta bisa semper. E ‘tayer di baile’ aki lo ta diabierna 7 januari 2011, iniciando pa 6:30 atardi y esaki lo bay te cu 8’or di anochi den Colegio Arubano na Playa exactamente den e ‘Expressie lokaal’. P’abo participa n’e tayer aki tin un costo di unicamente 15 Florin, pa esna cu kier haya sa algo mas di e tayer di baile aki bo por informa e inscribi mandando un E-mail na: aneudicabral@gmail.com of por yama libremente 561-4276. Y manera Aneudi Cabral a duna nos di conoce na final di nos combersacion “We love to see you dance”.

